

Ա. Գ. ՊԵՏՐՈՍՅԱՆ, Արդյունաբերությունը որպես որակյալ աշխատուժի կիրառման ոլորտ, ՀԱՍՀ ԳԱ հրատարակչություն, Երևան, 1983, 83 էջ:

Որակյալ կադրերի պատրաստման և նրանց օգտագործման արդյունավետության բարձրացման հարցը մեր տնտեսության ամենաարդիական ու հրատապ լուծում պահանջող կարևորագույն խնդիրներից է: Հիշյալ պրոբլեմի լուծումը հատկապես կարևոր նշանակություն ունի ՀՍՍՀ արդյունաբերության համար, որտեղ ստեղծվում է հանրապետության ազգային եկամտի գերակշռող բաժինը, ուր դրազված են հանրապետության որակյալ կադրերի զգալի մասը: Այդ պրոբլեմի լուծումը չի կարող չլինել աշխատողների շրջանակ, որոնք ամփոփվում են երեք գլուխներում. առաջին՝ արդյունաբերության աշխատողների պրոֆեսիոնալ-որակական կառուցվածքի փոփոխությունները գիտատեխնիկական առաջադիմության պայմաններում, երկրորդ՝ որակյալ կադրերի պատրաստումը և երրորդ՝ որակյալ կադրերի բաշխումն ու օգտագործումը:

Իր առջև դրված խնդիրը բացահայտելու նպատակով հեղինակն ուսումնասիրության առաջին գլխում հանգամանորեն քննարկում է արդյունաբերության մեջ բանվորների և միջին ու բարձր որակավորման մասնագետների պրոֆեսիոնալ-որակական կառուցվածքի փոփոխությունները գիտատեխնիկական առաջադիմության պայմաններում, բացահայտում այդ փոփոխությունների հիմնական ուղղությունները: Նա ցույց է տալիս, որ հանրապետության արդյունաբերության ճյուղային կառուցվածքի, նրա տեխնիկական ու տեխնոլոգիական բազայի կատարելագործման և արտադրանքի անվանացանկի նորացմանը ղուգընթաց գիտատեխնիկական առաջադիմության անմիջական ազդեցությամբ ընդլայնվում են արդյունաբերության ֆունկցիաների շրջանակները, որը համապատասխան տեղաշարժեր է առաջացնում աշխատուժի պրոֆեսիոնալ-որակական կառուցվածքում (էջ 11): Աշխատուժի պրոֆեսիոնալ կառուցվածքի վրա ազդող գործոնները հեղինակը պայմանականորեն բաժանում է երկու խմբի՝ հիմք ընդունելով նրանց ազդեցության բնույթը: Առաջին խմբում ընդգրկվում են այն գործոնները, որոնք հանգեցնում են աշխատուժի պրոֆեսիոնալ-մասնագիտական ցանկի ընդլայնմանը (արդյունաբերության զարգացման տեմպերը, ճյուղային կառուցվածքի և արտադրության անվանացանկի փոփոխությունները), երկրորդում ընդգրկվում են սկզբունքային նոր պրոֆեսիաներ և մասնագիտություններ առաջացնող գործոնները:

Ա. Պետրոսյանի գրքում տնտեսագիտական գրականության մեջ եղած տեսակետների քննական վերլուծության բազայի վրա նորովի է բացահայտվում «պրոֆեսիա», «մասնագիտություն» հասկացությունների տնտեսագիտական բովանդակությունը:

Գրքի առավել ծավալուն բաժինը նվիրված է արդյունաբերության համար որակյալ բանվորական կադրերի, միջին և բարձր որակավորման մասնագետների պատրաստման հարցերի ուսումնասիրությանը: Փաստական հարուստ նյութի վերլուծության հիման վրա բացահայտվում են արդյունաբերության համար որակյալ կադրերի պատրաստման առանձնահատկությունները, տրվում արդյունաբերության պահանջի և պատրաստվող կադրերի որակական և քանակական կառուցվածքի համապատասխանության հարցերի խորը ու հանգամանալից շարադրանքը:

Հեղինակը արտադրության մեջ բանվորական կադրերի պատրաստման եղանակի հիմնականի թերությունները արդարացիորեն համարում է տեսական գիտելիքների ուսուցման ցածր մակարդակը, որն էապես արգելակում է բանվորների որակավորման հետագա բարձրացմանը: Նշելով արտադրության մեջ բանվորական կադրերի պատրաստման եղանակի համեմատությամբ ՊՏՈՒ-ների (պրոֆեսիոնալ-տեխնիկական ուսումնարանների) անվիճելի առավելությունները և միաժամանակ արձանագրելով պրոֆեսիոնալ-տեխնիկական կրթության զարգացման փաստը, հեղինակը գտնում է, որ ներկայումս ՊՏՈՒ-ների ցանցը դեռևս չի բավարարում արդյունաբերության պահանջը որակյալ բանվորական կադրերով և՛ քանակական, և՛ որակական առումով (էջ 40), նա միաժամանակ բացահայտում է դրա պատճառները: ՊՏՈՒ-ներում պատրաստված կադրերի որակական ոչ բարձր աստիճանը Ա. Պետրոսյանն իրավացիորեն կապում է նաև երիտասարդության պրոֆեսիոնալ

կողմնորոշման աշխատանքների անրավարար մակարդակի հետ նրա հաշվարկներով այդ պատճառով միայն 1978 թ. արդյունաբերության համար կադրեր պատրաստող ՊՏՈՒ-ներից հեռացել են սովորողների 10%-ից ավելին: Եվ դա այն դեպքում, մատենաչում է Ա. Պետրոսյանը, երբ ՊՏՈՒ-ներում սովորողները ստանում են կրթաթոշակ (30—37 ու.), տնվճար սնունդ, արտահագուստ, կարիքավորներին տրվում է նաև հանրակացարան, միաժամանակ նրանք արտադրական գործունեության համար լրացուցիչ վարձատրվում են, այլ ուսումնական հաստատություն դիմելու դեպքում օգտվում նախապատվության իրավունքից և այլն (էջ 44): Մեր կողմից ավելացնենք նաև երկու արտոնություն՝ քաղաքային բնակավայրում մշտական գրանցում և սովորելու տարիների զինծառայության համար տարեկետում: Մեր կարծիքով ՊՏՈՒ-ների սովորողներին տրվող հիշյալ արտոնությունները գերադանցապես վերածվում են հավաքագրվող կազմի պրոֆեսիոնալ կողմնորոշմանը հակազդող գործոնների և ՊՏՈՒ-ներ ղեկողների մեծ մասը հիմնականում ձգտում է օգտվել այդ արտոնություններից և ոչ թե համապատասխան մասնագիտություն ստանալ: Այդ էն վկայում նաև հեղինակի ուսումնասիրության արդյունքները Այսպես, 1980 թ. արդյունաբերության համար կադրեր պատրաստող 10 ուսումնարանների շրջանավարանների 25%-ը կենտրոնացված բաշխման չի ենթարկվել (էջ 69), իսկ հաստատագրեր (վկայագրեր աշխատանքի տեղավորելու մասին) ներկայացրածների ավելի քան 30%-ը ընդունվել է աշխատանքի ոչ իր մասնագիտությամբ (էջ 45):

Գրքում տրվում են նաև արդյունաբերության և նրա առանձին էլուզերում միջին և բարձր որակավորման մասնագետների թվի միջև ստեղծված հարաբերակցության անհամապատասխանության պատճառները, կատարվում ընդհանրացումներ և նշվում հարցի կարգավորման ուղիները:

Արդյունաբերության համար որակյալ բանվորական կադրերի, ինչպես նաև բարձրագույն և միջնակարգ մասնագիտական կրթություն ունեցող մասնագետների պատրաստման, բաշխման և օգտագործման հարցի մանրակրկիտ քննարկումը հեղինակին հնարավորություն է տվել կատարելու մի շարք ուշադրավ առաջարկություններ: Ա. Պետրոսյանի մենագրությունն աչքի է ընկնում նաև հարցերի ընդգրկման մասշտաբայնությամբ, հարցադրումների խորությամբ և լուծումների ինքնատիպությամբ: Այն կարող է օգտակար լինել ոչ միայն տնտեսագետների, այլև ընթերցող լայն շրջանների համար:

ԵՐԶԱՆԻԿ ՄԱԿԱՐՑԱՆ
ՏՖտեսագիտության քննադատ